

YUNUS MARIS (1929–), ahli bahasa. Dia lahir di Kuala Pilah, Negeri Sembilan. Dia mendapat pendidikan di University of London dan kembali ke tanah air pada tahun 1959. Dia terkenal sebagai ahli bahasa semasa menjadi pensyarah bahasa Melayu di Jabatan Pengajian Melayu, Fakulti Sastera dan Sains Sosial, Universiti Malaya.

Pada tahun 1959, dia berkhidmat sebagai pensyarah di Language Institute, Lembah Pantai, Kuala Lumpur. Dia kemudian menjadi pensyarah di Jabatan Pengajian Melayu dan dilantik sebagai Dekan Fakulti Sastera dan Sains Sosial di Universiti Malaya. Dia juga dilantik sebagai Profesor Madya di fakulti tersebut. Dia bersara pada tahun 1979. Yunus pernah menjadi perwakilan Malaysia bersama-sama dengan Tan Sri Syed Nasir Ismail, dan Datuk Haji Hassan Ahmad, Ketua Pengarah Dewan Bahasa dan Pustaka untuk menubuhkan jawatankuasa penyelarasan bahasa dan istilah antara negara Malaysia dan Indonesia yang kemudiannya dikenali sebagai MBIM (MABBIM).

Yunus giat menghasilkan artikel dan buku bahasa untuk kegunaan umum. Antara karyanya yang terkenal ialah *The Malay Sound System* (1980), *Kamus Fajar* dan *Belajar Tulisan Jawi* dalam dwibahasa Melayu-Inggeris.